

雲於六合膏肓建於九域降瑞雪於九霄豐
浸沃於農田餘潤覃於蔬壤百穀獲有年之
望黎民除艱食之憂溥暨合靈但蒙道廢得
道之後保天長存和與道合真

日用朝真儀

啓白 啓堂頌

唱禮十方

禮足各長跪懺悔

臣法衆等志心皈身皈神皈命十方无極太
上靈寶天尊伏願混元設教常清靜以為宗
穹極享誠非精純而不格將感通於上聖先
蕩滌於纖瑕遵奉典彝許容懺悔今
皇帝仁心周物孝道格天丕變太平之風獨
立無過之地懼萬方之有罪常引咎以與言
視四海之為家每責躬而軫念尚虞闕誤咸
冀釋除身口意之所萌一歸妙道神氣形之
相守永保長生下逮群元共臻丕祐臣等稽
首禮謝
無上至真三寶
道門科範大全集卷之十六

道門科範大全集卷之十七

廣成先生杜光庭剛定

靈寶祈求雨雪道場儀

設醮行道

法事陞壇如式

都講舉各禮師存念如法

高功宣衛靈呪

五星列照煥明五方 水星却災 木德致昌
榮感消禍 太白辟兵 鎮星四據 家國利亨
名刊玉簡 字錄帝房 乘鸞散景 飛騰太空
出入冥無 遊宴十方 五雲得蓋 招神攝風
役使萬靈 上衛仙翁 與道合真
都講舉鳴法鼓二十四通
高功發爐
無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官各三十六人出出者嚴裝
顯服冠帶垂纓闕啓玄壇土地方域神真臣
今設醮行道謹奏為入意其諸忱悃已錄告

聞願得

太上十方至真道炁靈寶瑞光下降流入臣

等身中令臣所啓之誠速達徑御

太上无極大道

三清上聖

昊天玉皇上帝 御前

請稱法位

具位臣某與合壇官衆等謹同誠上啓
虛元自然元始天尊无極大道太上道君太
上老君混元上德皇帝太上開天執符御曆
含真體道昊天玉皇上帝紫微天皇大帝中
天北極大帝聖祖上靈高道九天司命保生
大帝后土皇地祇元天大聖后五福十神太
一真君三十二天帝君三十六部尊經玄中
大法師東華南極西靈北真仙都玉京金闕
七寶瑤臺紫微上宮靈寶至真明皇道君上
相上宰上保上傳三皇五帝十一大曜星君
北斗七元星君二十八宿星君九宮十精太
一君北極四聖真君扶桑大帝陽谷神王洞
淵龍王十洞五嶽九江水帝八海龍王三河

四瀆五湖七澤溪谷川源五方行雨龍王風雲雷電陰陽主宰府界縣境諸廟神祇城隍社令三界應感一切神靈臣聞至道先天高真起教著名萬象覆育群生悅辭既達於嚴恭洪造必垂於昭應今恭以祇膺綸命責奉

邦條務清儉以愛民効公忠而許國屬以臨降為珍優渥未露夙禱高穹冀臻靈感謝云果臻靈感現函發靈誦微妙之真文瑤席陳儀具芳馨之美薦披迎飛從欽想會靈伏願虎節龍旂暫出鴻濛之境雲軒鶴馭少臨秘邃

之宮鑿其顯若之宇故此菲然之禮庶誕膺於景福普垂祐於蒼黔臣等無任瞻天望聖激切延請之至奉迎大駕

降聖 上茶 初獻 散花
各稱法位

具位臣某等謹同誠上啓
虛无三境至尊三界懸筵列聖咸望洪慈洞開明鑒臣聞太極函三闢兩儀於恍惚輕清得一著列象於昭回握璿璣而運五行震風霆而均四序裁成庶彙陶育群生雖真筌垂

造化之私然俗諦有陰陽之患今某以久愆大闕將害嘉生揚厲省躬憂勞軫念夙按熏崇之範聿申懇禱之誠冀慈衛以丕周雨云於天休庶保康於庀俗臣等叨承教典獲預

關行設醮詞誠謹當宣奏
宣詞
按如詞旨備切至忱仰惟三境高尊九清上聖紫極炳靈之列曜丹臺無鞅之飛仙下濟威光俯歆丹懇伏願珠躔順軌玉燭均調陰陽和而風雨時祥社臻而妖氛息提封千里永治於康年比屋萬家各諧於安堵覃均動植俱遂生成臣等無任懇切之至再拜上香酒陳亞獻

奏樂

臣謹重誠上啓
五嶽真聖四瀆神祇福地靈曹名山主宰與雲致雨一切威靈伏以博厚推尊方輿宅聖或中分於洞府或高配於星躔蓄泄風雲均調雨露幽贊明君之化輔承宰制之功凡屬

奏樂

含生溥膺嘉祐今某伏為當境偶愆時雨久亢常暘風露誠祈果臻精感修壇歲事已告於釐成馨醮陳儀載闕於嚴格伏惟陰陽主宰嶽瀆系祇洞天紫府之靈官福地名山之列聖上符真貺下濟斯民然願守禦安寧并閭綏靖賦畝常豐於潤澤倉箱永贍於資儲矧伊動植之微盡荷霑濡之惠臣等無任恭虔酒陳終獻

奏樂

臣謹重誠上啓
扶桑大帝暘谷神君洞淵龍王九江水帝四清源王三河四海十二河源溪江川海下元主宰與雲致雨水府威靈伏以包天帶地聿彰潤下之功習坎盈科式協至柔之德極洪深而莫測巨汗漫以難窮靡宅仙游曷明善利總陞沉而効職一禍福以承天有感必通無幽不燭今某以時暘作沴天澤愆期怵惕之心匪違於夙寤懇祈之素冀格於靈通精齋具薦於殊熏淨醮式嚴於丕享伏惟四溟至聖百穀神王盡鱗屋之幽潛率龍宮之遠

至聖百穀神王盡鱗屋之幽潛率龍宮之遠

密暫辭貝闕來降其庭款茲菲薄之修鑒此
精誠之禱密扶穹昊溥祐蒼黔正令順時合
五行而有序與雲致雨澤萬物於無方農田
酬耒耜之勞境邑荷豐穰之賜且等無任再
三懇禱之至誠惶誠恐稽首再拜莫湯

嘆道 宣疏

臣謹重誠上啓

太上三清昊天玉皇上帝九品高真十方上
聖諸天諸帝真經真師周天列宿海嶽龍神
三界應感一切真靈今則醮禮既陳齋誠已
達靈音龍奏仙範停宣塵境喧凡久駐鸞輪
之駕雲霄香遶將迴丹漢之居延百福於豐
年保三登於歲序臣與醮官等無任攀戀望
恩激切奉辭之至誠惶誠恐稽首再拜奉辭
大駕

舉送神頌

舉存神燒香

高功復爐

香官使者左右龍虎君侍香諸靈官當今臣
向來設醮之所自然生金液丹碧芝英百靈

衆真交會在此香火爐前當願十方仙童玉
女接侍蘭煙傳臣向來所啓之誠速達徑御
至真元極大道

三清上聖

昊天玉皇上帝 御前

知磬舉出堂頌 出戶

引至六幕堂

道門科範大全集卷之十七

道門科範大全集卷之十八

廣成先生杜光庭剛定

靈寶祈求雨雪拜章儀

夕景行道

法事陞壇如式

舉各禮師存念如法

高功宣衛靈呪

五星列照煥明五方 水星却災 木德致昌

榮感消禍 太白辟兵 鎮星四據 家園利亨

名刊玉簡 字錄帝房 乘聽散景 飛騰太空

出入真無 遊宴十方 五雲浮蓋 招神攝風

役使萬靈 上衛仙翁 和與適合 具

鳴法鼓二十四通

高功發爐

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓關啓玄壇土地方域神真臣

今建壇行道謹奉爲入意其諸情悃已錄告